

## ԱՆՍՏՈՒԻ ՅԱԿՈՐՍՈՆ

Հայ նարտարապետության նվիրյալը

ՀՀ ԳԱՍ. ակադեմիկոս Վ. Մ. ՀԱՐՈՒԹՅՈՒՆՅԱՆ

Հայ նարտարապետության օտարազգի հետազոտողների շարքում իր բազմաշխատ գիտահետազոտական գործունեությամբ Անատոլի Յակոբսոնը գրավում է առանձնահատուկ տեղ, ինչը նրան գիտական շրջանակներում բերել է գնահատում և լայն ճանաչում:

Անատոլի Յակոբսոնը ծնվել է 1906 թվականի օգոստոսի 22-ին, Սանկա Պետերբուրգի նահանգի Լուգա քաղաքում, անտառապահ Լեոպոլդի ընտանիքում: Նա իր բարձրագույն կրթությունը ստացել է Ս. Պետերբուրգում, 1929 թ. ավարտել է համալսարանի լեզվագիտության և նյութական մշակույթի պատմության ֆակուլտետը: 1930 թ. որպես կրտսեր գիտական աշխատակից սկսել է պաշտոնավարել Ս. Պետերբուրգի նյութական մշակույթի պատմության ակադեմիայում (հետագայում վերանվանված ՍՍՀՄ ԳԱ նյութական մշակույթի պատմության ինստիտուտի Լենինգրադյան բաժանմունք): Պատմական գիտությունների թեկնածուի գիտական աստիճան է հայցել 1941 թ.: Հայրենական պատերազմի սկզբից մնացել է պաշարված Լենինգրադում, մասնակցել նրա հերոսական պաշտպանությանը: 1942 թ. փետրվարին ծանր հիվանդ Ա. Յակոբսոնը փոխադրվել է Իվանովո քաղաքը: Ապաքինվելուց հետո կարճատև աշխատել է վերոհիշյալ ինստիտուտի Մոսկվայի բաժանմունքում, ապա՝ 1945 թ. ապրիլին փոխադրվել է Լենինգրադ ու շարունակել աշխատանքն իր հարազատ գիտական օջախում:

Ա. Յակոբսոնը մասնագիտությամբ հնագետ էր: Որպես այդպիսին նա մասնակցել է Խերսոնեսում, Հայաստանում և Ադրբեջանում կազմակերպված հնագիտական արշավներին, որոնց ընթացքում հմտացել է, կուտակել մեծ փորձ: 1961 թ. նրան շնորհվում է պատմական գիտությունների դոկտորի գիտական աստիճան՝ պաշտպանության ներկայացրած «Միջնադարյան Խերսոնես» մենագրության համար:

Գիտական հիմնավոր դպրոցի բովով անցնելը, խորը պատրաստությունը, բացառիկ աշխատասիրությունը, գիտական լայն աղբյուրների (նաև օտար լեզուներով) տիրապետումը, բարերար հիմք ծառայեցին նրա ընդգրկուն, անողջանքերով ձեռք բերված գիտական վաստակի համար:

Նա պատկանում էր արևելագիտության, կովկասագիտության և հայագիտության նիկողայոս Մառի և Հովսեփ Օրբելու նշանավոր դպրոցին: Նրանց անմիջական ազդեցությամբ ու հովանավորությամբ Ա. Յակոբսոնն իր գիտական հետաքրքրությունների ոլորտում ներգրավեց Անդրկովկասը, մասնավորապես՝ Հայաստանը: Նա անդադրում ուղեորություններ էր կատարում դեպի հուշարձանները, ուսումնասիրում, լուսանկարում և չափազրում էր (երկուսին էլ տիրապետելով անթերի), կուտակում փաստական հարուստ նյութ, որը պատմական դարձավ նրա հիմնարար հետազոտությունների համար:

Յակոբսոնի գիտական բազմաճարուստ ժառանգությունը երկճյուղ է՝ հնագիտություն և ճարտարապետություն: Առաջինը հիմնականում ընդգրկել է Սև ծովի հյուսիսային ափերը (Խերսոնես, Ղրիմի թերակղզի) և մասամբ՝ Ադրբեջան (Օրեն-կալա): Այդ թեմաներով նա հրատարակել է բազմաթիվ հոդվածներ, նաև «Միջնադարյան Խերսոնես» մենագրությունը (1959 թ.): Դեռևս Խերսոնեսի պեղումներին մասնակցելիս 1946 թ. հրատարակած մի հոդվածով նա գուգահեռներ է հայտնաբերել միջնադարյան Խերսոնեսի և հայկական (Անի, Ամբերդ, Տաթև) բաղնիքների միջև: Նույն տարիներին նա կարողացել

է ժամանակ տրամադրել ուսումնասիրելու համար Ղրիմի թերակղզու հայկական հուշարձանները, որի արդյունքները ամփոփել է 1959 թ. հրատարակած իր «Հայկական ճարտարապետությունը Ղրիմում» ծավալուն աշխատության մեջ:

1929 և 1936 թթ. Ա. Յակոբսոնը Հայաստան է ժամանել, մասնակցելով ակադեմիկոս Հ. Օրբելու գլխավորած հնագիտական արշավախմբի աշխատանքներին Դրանցից ավելի տևականը երկրորդն էր, երբ արշավախումբը գբաղվեց Ամբերդ ամրոցի պեղումներով: Հայաստան աշխարհն էր հնագույն և միջնադարյան քաղաքակրթության բազմաթիվ մշակույթով, ճարտարապետական հազարավոր հուշակերտումներով այնպես հրապուրեց Ա. Յակոբսոնին, որ նա այնուհետև մշտապես կապված մնաց Հայաստանի հետ, դարձավ նրա ճարտարապետության ու արվեստի նվիրյալ հետազոտողն ու մեկնարկներ: Կրկնակի այցելությունները Հայաստան (1946, 1947) իրենց անդրադարձն ունեցան: 1946 թ. նա հրատարակում է մի ամփոփ հոդված Տեղերի վանքի մասին, իսկ հաջորդ տարին հանդես է գալիս Տաթևի վանքի ճարտարապետական համալիրին նվիրված ընդարձակ հոդվածով: Դրանցով նա հիմք է դնում Հայաստանի վանքային համալիրների ճարտարապետության ուսումնասիրության շարքին: Հետզհետե լույս են տեսնում հոդվածներ Խորակերտի և Մշկավանքի (1951 թ.), Հաղարծնի, Սաղմոսավանքի և Նոր Գետիկի (1952 թ.), Գանձասարի վանքի (1960 թ.) և Բյուրականի եկեղեցիների (1971 թ.) մասին: Յուրաքանչյուր բացառիկ խորաթափանցություն և ուշագրի օգտագործելով մատենագրական ու վիճակագրական տվյալները, հեղինակը վերոհիշյալ աշխատություններում ուրվագծում է վանքային համալիրների առաջացման ու աստիճանական զարգացման պատկերը, նշում երևան եկած ոճական նոր առանձնահատկությունները, կատարում գեղարվեստական վերլուծություններ:

Հայկական ճարտարապետությանը նվիրված նրա առավել ծավալուն աշխատությունը 1950 թ. լույս տեսած «Ակնարկ Հայաստանի V—XVII դդ. հայ ճարտարապետության» մենագրությունն է: Ն. Տոկարսկու «Հին Հայաստանի ճարտարապետությունը» (1946 թ.) գրքից հետո փաստորեն երկրորդ, ընդհանուր առմամբ համարձակ փորձն էր միջնադարյան հայ ճարտարապետության զարգացման ամբողջական պատմությունը շարադրելու ուղղությամբ: Թեև Ա. Յակոբսոնի այս մենագրությունը, ինչպես Ն. Տոկարսկու վերը նշված գիրքը (որը նա բարեփոխելուց հետո վերստին հրատարակեց 1960 թ.), գերծ չէր նույն կարգի թերություններից, սակայն դրանք անխուսափելի են, երբ առաջին փորձն է կատարվում, ճանապարհ հարթելով ավելի կատարյալին հասնելու համար:

Ա. Յակոբսոնի գիտական տեսադաշտում մշտապես գտնվել են տարբեր երկրների ճարտարապետությունների միջև գոյություն ունեցող ընդհանրացումների և հետազոտման պրոբլեմները, որոնց նվիրված է նրա հոդվածների շարքը: Դրանցից հիշատակելի են «Վաղ միջնադարյան բուլղարական ճարտարապետության հայկական գուգահեռները» (1968 թ.), «Հայ-վրացական ճարտարապետության փոխհարաբերությունները» (1970 թ., Ֆրանսերեն՝ 1971 թթ.) «Բալկանների, Արևելյան Եվրոպայի, Անդրկովկասի և Միջին Ասիայի միջնադարյան ճարտարապետության մի քանի օրինաչափությունների առանձնահատկությունները» (1972 թ.), «Հայաստանի և Բյուզանդիայի վաղ միջնադարյան ճարտարապետության առնչությունները» (1973 թ.), «Հայաստան և Միջին. ճարտարապետական համադրումներ» (1976 թ.), «Կովկասյան Աղվանքի և Հայաստանի ճարտարապետության կապերը» (1977 թ.), «Կովկաս և Բյուզանդիա» (1982 թ.), «Հայկական միջնադարյան ճարտարապետության թեմաներով սելջուկյան արձագանքները» (1983 թ.) և այլն:

Անդրադառնանք դրանցից մի քանիսում առաջ քաշված տեսական եզրահանգումներին: Նշելով Միջին Ասիայի և Հայաստանի վաղ միջնադարյան ճարտարապետության ընդհանրությունները, Ա. Յակոբսոնը դրանց պատճառները բացատրում է բնական պայմանների, նույն շինանյութի (տուֆ, բազալտ), դրանց օգտագործման տեխնիկական միջոցների և կառուցումներ կատարելու

սոցիալական պայմանների ընդհանրությունը: Հայ-վրացական միջնադարյան ճարտարապետության փոխհարաբերության և փոխադարձ կապերին նվիրված հանգամանակից աշխատությունում, բազմաթիվ օրինակների բաղադրման միջոցով նա կզրակայնում է. «Մենք խոսում ենք վաղ միջնադարյան հայկական և վրացական ճարտարապետության ընդհանրության, սակայն ոչ ամենևին նրանց լիովին համընկնման և առանձնատկությունների բացակայության մասին: Գոյություն են ունեցել նաև ճարտարապետական այնպիսի հորինվածքներ, որոնք ընդունված են եղել վրացի ճարտարապետների, սակայն չգիտես ինչու՝ մերժված հայ շինարարների կողմից (որպես օրինակ նշում է Երևանի միջնադարյան բազմախորան-բազմախորշ տաճարի օրինակը—Վ. Հ.): Ընդհակառակը,—շարունակում է նա,—կարելի է նշել հորինվածքներ, որոնք հայտնի են Հայաստանում, բայց անհայտ են Վրաստանում» (նշում է Դվինի Ս. Գրիգոր և Թալինի եռաբսիդ գմբեթավոր բազիլիկները—Վ. Հ.): Նույնպիսի երևույթներ նա նշում է Հայաստանի և Վրաստանի ճարտարապետության զարգացման հաջորդ փուլերում ու եզրակացնում. «Սրկու երկրների ճարտարապետական միջավայրներում գոյություն են ունեցել ստեղծագործական սկզբունքների առանձնատկություններ, սակայն դա ամենևին չի բացասում ստեղծագործական ընդհանուր գծի առկայությունը»:

Նույն կարգի է Ա. Յակոբսոնի անգրագործը կովկասյան Աղվանքի և Հայաստանի ճարտարապետական կապերի հարցում: Կիրառված համեմատական հետազոտության մեթոդը հեղինակին բերում է մի եզրակացման, ըստ որի «...բերված նյութերի վերլուծությունը տարակույս չի թողնում, որ Աղվանքի վաղ միջնադարյան ճարտարապետության կազմավորման հարցում առավելապես նշանակալից է եղել հայկական ճարտարապետության դերը, հանգամանք, որն իր բարերար բացատրությունն է գտնում ոչ միայն երկու երկրների՝ ժամանակակից պատմիչների կողմից վկայած տեսեսական և քաղաքական սերտ կապերում, այլև Աղվանքի եկեղեցու՝ հայկական եկեղեցուց կախված լինելու հանգամանքում»:

Գիտական դրականության մեջ առանձին դեպքերում առաջ են քաշված հայ-սելջուկյան ճարտարապետության առնչությունների, մեկի նկատմամբ այլուսի ազդեցության վիճահարույց հարցերը: Ժամանակին դրանց անդրադարձել են Ն. Մառն ու Հ. Օրբելին, նշելով, որ Փոքր Ասիայում գտնվող սելջուկյան մի քանի հուշարձանների կառուցողները հայ ճարտարապետներ են եղել: Օրինակ՝ Կոնիայի մզկիթը (1271 թ.) կառուցել է հայ ճարտարապետ Գալուստը, Սվաղի (Սեբաստիայի) Մեդրեսեն՝ (կառուցված 1247 թ. կամ վերակառուցման ենթարկված 1273—1274 թթ.) կառուցել է հայ ճարտարապետ Թագավորը (որոնց անունները՝ հիշատակված են նշված հուշարձանների վրա կապով արձանագրություններում) և այլն:

Ա. Յակոբսոնը Փոքր Ասիայում կառուցված մի քանի կարևոր հուշարձանների օրինակներով երգրումի, Ախլաթի, Ոստանի սելջուկյան դամբարանների ճարտարապետությունը որակում է որպես հայկական եկեղեցու գմբեթի թմբուկն ու վեղարը գետնին դրվածներ (այսինքն՝ անմիջական փոխառությունների օրինակներ): Այդ փաստերի հիման վրա նա գալիս է այն անհերքելի կզրակացությանը, ըստ որի «սելջուկյան» «մոնումենտալ ճարտարապետության ձևերն ու բուն ոճն ըստ երևույթին մեծապես պարտական են հայկական ճարտարապետությանն ու դրա ստեղծողներին»:

Երկար ժամանակ վիճահարույց է եղել նաև բյուզանդական և կովկասյան (այդ թվում՝ հայկական) քրիստոնեական ճարտարապետության փոխառնչությունների հարցը: Հայտնի է, որ արևմտաեվրոպական մի քանի պատմաբան-արվեստագետներ՝ Շ. Դիլը, Ռ. Հաուպտհայմերը, նույնիսկ Արմեն Խաչատրյանը (հավանաբար իր ղեկավարի՝ Անդրե Գրաբարի թելադրանքով), հայկական ճարտարապետությունը դիտել են որպես բյուզանդական, մասնավորապես՝ Կոստանդնուպոլսի դպրոցի ճարտարապետության մի ճյուղը, նրա գավառական տարբերակը: Հայտնի է նաև, որ այդ սխալ տեսակետի վճռական թիտմամբ ժամանակին հանդես են եկել հայ ճարտարապետության գիտական պատմության հիմնադիրներ Թ. Թորամանյանը և Յ. Ստրժիգովսկին:

Անդրադունալով այդ հարցին, Ա. Յակոբսոնն իր «Հայաստանի և Բյուզանդիայի վաղ միջնադարյան ճարտարապետության առնչությունները» աշխատությունում ներգրավելով մի շարք նոր տվյալներ, եզրահանգում է. «Հայ միջնադարյան ճարտարապետության կազմավորման գործընթացը մի բարդ ուղի է. մշակութային սերտ կապեր են հաստատված եղել Հայաստանի և հարևան երկրների միջև: Չի կարելի ընդունել արևմտաեվրոպական մի շարք հետազոտողների կարծիքն այն մասին, որ հայկական միջնադարյան ճարտարապետական մշակույթը ոչ այլ ինչ է, քան բյուզանդական ճարտարապետության տարբերակը, նրա արևելյան դպրոցներից մեկը կամ բյուզանդական մշակույթի գավառական դրսևորման արգասիք: Միևնույն կրոնի՝ քրիստոնեության հիման վրա առաջացած մի շարք ընդհանրությունները, հորինվածքային ձևերի նման գծերը բնավ չեն որոշում Հայաստանի և Բյուզանդիայի ճարտարապետական արվեստի ընդհանուր դեմքը»:

Հայ ճարտարապետությունն ունի շատ բարեկամներ: Հետազոտողների թիվը ի հաշիվ իտալացի, ֆրանսիացի, գերմանացի ու այլ ազգությունների պատկանող գիտնականների վերջին տասնամյակների ընթացքում զգալի ավելացել է: Նրանց ջանքերով հայ ժողովրդի ճարտարապետական հարուստ ժառանգության վերաբերյալ ստեղծվել է մի սովոր մատենաշար:

Յավոք, եղել են նաև հատ ու կենտ գիտնականներ, որոնք հանդես են եկել հայ ճարտարապետության զարգացման փուլերում ստեղծված կարևորագույն հուշարձանների կառուցման ժամանակի քմահաճ վերանայմամբ, կամ նույնիսկ հայկական ճարտարապետության մի ամբողջ դպրոցի ազգային պատկանելությունը վերանայելու անհիմն միտումով: Այդ կարգի տոնձգությունների դեմ հանդես է եկել Ա. Յակոբսոնն ու գիտական հավաստի տրվյալներով վճռականորեն հերքել հայ ճարտարապետության իրական պատմության նենգափոխման փորձերը: Վրաց ակադեմիկոս Գ. Չուրինաշվիլին, որը հայտնի է հայ ճարտարապետության գնահատման իր անընդունելի շափահեղներով, 1967 թ. լույս ընծայեց «Հետազոտություններ հայկական ճարտարապետության մասին» մի սովոր մենագրություն: Սա ամբողջապես հազեցած է վաղ միջնադարյան հայկական ճարտարապետության քմահաճ դիտարկումներով, մի քանիսի կառուցման թվագրությունների կողմնակալ վերանայմամբ ու ստորացուցիչ պիտակավորմամբ:

Հայկական հուշարձանների մի խումբ, որոնք զուգահեռներ ունեն վրացականի հետ ու թվագրություններով հավաստի են, Գ. Չուրինաշվիլին որակում է սրբալի վրացական ճարտարապետության ազգեցության կրողներ, իսկ մի քանի հուշարձաններ՝ Արուճ, Թալիսի մեծ տաճար և այլն, նա VII դարից անհիմն փոխադրում է IX—X դարեր (երբ այդպիսի տիպերը հայկականի ազգեցությամբ հանդես են գալիս նաև Վրաստանում):

Հայտնի է, որ Ա. Յակոբսոնն իր հետազոտությունների ոլորտն է ընդգրկել հայկական արվեստի այնպիսի զուտ ազգային բնագավառը, ինչպիսին խաչքարերն են: Դրանց է նվիրված նրա սկզբում ամփոփ հոդվածը՝ լույս տեսած «Պատմա-բանասիրական հանգետում» 1978 թ., ապա նաև ծավալուն մենագրությունը (Երևան, 1986 թ.): Հայտնի է նաև, որ հայ ճարտարապետության այդ նվիրյալ հետազոտողի տեսադաշտում են գտնվել նաև պատմական Արցախի հուշարձանները, մասնավորապես՝ հայ ճարտարապետության գլուխգործոցներից մեկը՝ Գանձասարի վանքը, որտեղ այցելել է երեք անգամ: Դրան է նվիրված Ա. Յակոբսոնի «Հայ միջնադարյան ճարտարապետության պատմությունից (Գանձասարի վանք, XIII դ.)» հոդվածը, որը լույս է տեսել 1960 և 1977 թթ.:

1 Գ. Ն. Չուրինաշվիլու այդ մենագրության դեմ լույս տեսավ ընդարձակ զրախոսություն (տե՛ս Բ. Ի. Արաքեյան, Բ. Մ. Արուտյան, Ս. Խ. Մուսախանյան. О некоторых вопросах истории армянской архитектуры (по поводу книги Г. Н. Чубинашвили «Разыскания по армянской архитектуре»), Ереван, 1969).

Հայ ճարտարապետության և արվեստի գնահատման ուղղությամբ ոտըն-  
ծառություններ եղան, այս անգամ Ադրբեջանի վայ-գիտնականների կողմից.  
Լ. Բ. Գեյուշևը ջանում էր ապացուցել անապացուցելին՝ Գանձասարի վանքը  
համարելով ոչ թե հայկական, այլ աղվանական: Իսկ Դ. Ա. և Մ. Դ. Ախուն-  
դովները հայկական խաչքարերի ծագումը նույնպես աղվանական համարե-  
ցին<sup>2</sup>: Ինչ խոսք, որ դրանց հեղինակների միտումնավորությունն ապացուցող  
ելույթները չէին կարող շարժանանալ վճռական քննադատության: Հայ ժողո-  
վրդի պատմության և նյութական մշակույթի ու արվեստի պատմության մաս-  
նագետները (Մ. Հասրաթյանը, տողերիս հեղինակը և ուրիշներ) գրքերով ու  
հոդվածներով հանգես և կան կեղծարարների դեմ: Երկու անգամ հայերեն  
(1980), երկրորդ անգամ ավելի ծավալուն՝ 1985 թ.) և ապա ռուսերեն (1988 թ.)  
լույս տեսավ Շ. Մկրտչյանի «Լեռնային Ղարաբաղի պատմաճարտարապետա-  
կան հուշարձաններ» գիտահանրամատչելի մենագրությունը: Մեծապես օգ-  
տակար եղան վիճաբարագետ Սեգրակ Բարխուդարյանի կողմից Լեռնային Ղա-  
րաբաղում խնամքով հավաքած ու հրատարակած վիճակական արձանագրու-  
թյունները<sup>3</sup>:

Անմասն շմնաց հայ արվեստի և ճարտարապետության պատմության լա-  
յատեղյակ Ա. Յակոբսոնը: Վկայակոչելով պատմամատենագրական հավաս-  
տի աղբյուրները, նախ հիշեցնում է, որ պատմական Աղվանքի, որպես պետա-  
կան կազմավորման գոյությունը դադարում է VII դարում, երբ արաբները  
ներխուսում են Անդրկովկաս: Վաղ միջնադարում (V—VII դդ.) աղվանական  
եկեղեցիներ կապված էր հայկականի հետ, դրանցում արարողությունները կա-  
տարվում էին հայերեն:

Լ. Գեյուշևն ու Ախունդովները անհիմն կերպով Գանձասարի տաճարը  
հայտարարում են աղվանական, առանց հաշվի առնելու դրա մասին եղած  
պատմամատենագրական ու վիճաբարական հավաստի տվյալները, նաև հատա-  
կան կազմավորման ժամկետային հորինվածքներն ու ճարտարապետա-գեղար-  
վեստական տիպիկ հայկական հատկանիշները: Ըստ տողերիս հեղինակի կա-  
տարած հետազոտությունների, տաճարի արտաքին շափերն ու հատակագծա-  
յին հորինվածքը ճշտությամբ կրկնում են Հաղբատի վանքի Ս. Նշան գլխավոր  
եկեղեցու, նույնպիսի հատկանիշները: Դրա պատճառները բացահայտված են  
«Հաստաբուն կաղնու ճյուղերից մեկը» մեր հոդվածում<sup>4</sup>:

Ա. Յակոբսոնը ավելորդ է համարել անդրադառնալ Գանձասարի տաճարի  
աղբյուրին պատկանելության հարցին, քանի որ հիմնավոր կերպով դա կա-  
տարել է Գանձասարի վանքին նվիրված վերը նշված իր աշխատությունում:  
Խաչենի նահանգի իշխան Հասան-Ջալալի 1216—1238 թթ. կառուցած վան-  
քային համալիրը ի սկզբանե հայկական է եղել, մինչև XIX դարը հանդիսա-  
ցել Արցախի աշխարհի հայության հոգևոր ու ազգային-ազատագրական պայ-  
քարի կազմակերպման նշանավոր կենտրոնը: Ա. Յակոբսոնի նպատակն է  
եղել ցույց տալ տաճարի քանդակների իմաստային մեկնաբանման կատար-  
յալ անհեթեթությունները: Հանգամանորեն ու խորը իմացությամբ նա քննար-  
կում է տաճարի թմբուկում տեղ գտած բարձրաքանդակների ու հարդարանքի  
պատկերագրական բովանդակությունը, պատերին ագուցված խաչքարերի  
վարդարվեստը, վկայակոչում է Հայաստանի այլ հուշարձաններում (Նորա-  
վանք, Գեղարդավանք և այլն) գուգահեռները, լիովին հերքում է Ախունդով-  
ների առաջ քաշած միտումնավոր դրույթները:

«Ախունդովների ելույթը.—նշում է Ա. Յակոբսոնը,— լի է բազմազան հեր-

<sup>2</sup> Տե՛ս Բ. Գեյուշև. О конфессионально-этнической принадлежности Гандза-  
сарского монастыря.—Сб. мат. культуры Азербайджана. 1973; Давид Ахундов  
Мурад Ахундов. Культурная символика и картина мира, запечатленная в храмах  
Кавказской Албании. Тбилиси. 1983.

<sup>3</sup> Տե՛ս Ս. Բարխուդարյան. Դիվան հայ վիճաբարության, պրակ V, Արցախ. երևան,  
1982:

<sup>4</sup> «Գիտություն և տեխնիկա», 1989, № 8:

յուրանքներով, միջրական մշուշը պատում է ավետարանիչների՝ քրիստոնեական պատկերազրույթյան մեջ սովորական դարձած սիմվոլները, որոնք հեղինակները, չգիտես ինչու, մեկնաբանում են որպես «միջրական-քրիստոնեական պատկերացումների սինթեզ»։ Գանձասարի վանքի բարձրաքանդակներին միանգամայն կամայականորեն միջրական իմաստ է տրված։ Նորավանքի XIV դարի խաչքարերը (որոնք նույնքան կամայականորեն կորցրել են իրենց հայկական անվանումը և կոչվում են խաչդաշներ), զարդանախշերից ելնելով, մեկնաբանվում են որպես ադրբեջանական արվեստի հուշարձաններ, թեև խաչքարերի բուսական հարդարանքը (երկրաշափականի հետ զուգակցված) բնորոշ է հենց հայկական արվեստին, իսկ Ադրբեջանի զարդանախշը, ընդհուպ մինչև XV դարը եղել է բացառապես երկրաշափական։ Ախունգովների ձրգտումը ծայրահեղորեն միտումնավոր է և նպատակամղված է ապակողմնորոշել ընթերցողներին», — եզրակացնում է Ա. Յակոբսոնը<sup>5</sup>։

Ընդհանուր գծերով այսպիսին է հայ ճարտարապետության պատմության հարցերին նվիրված նրա ծանրակշիռ գիտական ժառանգությունը։ Յավոք, հիվանդության պատճառով նա այլևս հնարավորություն չունեցավ այցելել Հայաստան, սակայն մշտապես, մինչև իր կյանքի վերջը (1984 թ. օգոստոսի 7) մնաց հայ ժողովրդի ու նրա մշակույթի անդամական բարեկամը։ Ի գնահատումն հայ ճարտարապետության և արվեստի ուսումնասիրման ուղղությամբ կատարված գիտական ներդրման, Ա. Յակոբսոնն իր ծննդյան 75-ամյակի առթիվ (1981 թ.) պարգևատրվեց Հայկական ՍՍՀ Գերագույն խորհրդի պատվոգրով։

АНАТОЛИЙ ЯКОБСОН

*Подвижник армянской архитектуры*

Академик НАН РА В. М. АРУТЮНЯН

Резюме

Анатолий Леопольдович Якобсон внес весомый вклад в исследование истории армянского зодчества. Он впервые посетил Армению в 1929 г., в составе археологической экспедиции, возглавляемой И. А. Орбели, а в 1934 г. принимал участие в раскопках крепости Апберд. В результате самостоятельных исследовательских поездок по Армении А. Л. Якобсон опубликовал серию обстоятельных научных трудов, посвященных монастырским комплексам Татева, Агарцина, Сагмосаванка, Нор-Гетика, Гандзасара, Хоракерта, Мшканаванка и церквей в Бюракане, армянским памятникам в Крыму. В 1950 г. вышла в свет монография «Очерк истории зодчества Армении V—XVIII вв.», в которой вторым после И. М. Токарского выступил с изложением картины общего процесса развития армянской средневековой архитектуры. Особое место занимает изучение А. Л. Якобсоном проблем закономерностей во взаимосвязях зодств Сирии—Армении, Армении—Грузии, Армении—Кавказской Албании, Византии—Армении и Грузии, вклада армянских зодчих в становление «сельджукского стиля». Обладая широкими научными познаниями в вопросах истории архитектуры и искусства Закавказья и сопредельных стран, А. Л. Якобсон неоднократно обстоятельно выступал против попыток отдельных грузинских и азербайджанских исследователей исказить историю армянской архитектуры.

<sup>5</sup> Տե՛ս նրա Գандзասարսկի մոնաստիրը և խաչարար, փակտներ և արարներ. — «Պատմա-բանասիրական հանդես», 1984, № 2, էջ 152։